



Olsem Wanem Nau?

Bihain long amamas bilong graun,
Bihain long ol singsing amamas,
Bihain long tulait i pinis,
Bihain long ol driman i pinis—

Bai Olsem Wanem Nau?

Bihain long taim yu tok gutbai,
Long dispela graun yu bin laikim tumas,
Na yu bung wantaim ol daiman i lus pinis—

Bai Olsem Wanem Nau?

Harim "Olgeta man i mas i dai wanpela taim tasol, na bihain ol i mas kamap long kot." Hibriu 9v27

"I nogat wanpela man i narakain. Nogat. Yumi olgeta man yumi bin mekim sin, na yumi no inap i stap wantaim God long Heven." Rom 3v22,23

*"Yumi olgeta i olsem sipsip, yumi lusim rot nabaut."
Aisaia 53v6*

Tasol "God i no salim Pikinini bilong em i kam long graun bilong skelim ol man bilong graun olsem jas. Nogat. Em i salim em i kam bilong kisim bek ol. Man i bilip long em, em i nogat kot. Man i no bilip, em i lus pinis long kot. Long wanem, em i no bin bilip long nem bilong dispela wanpela Pikinini Bilong God." Jon 3v17-18

Olsem "Mobeta yupela lusim pasin birua na kamap wanbel wantaim God. Dispela man i no save mekim sin, tasol God i

bin bungim olgeta sin bilong yumi antap long em, na em i kamap olsem sinman tru. Em i mekim olsem bilong yumi ken i stap long Kraist na long strong bilong em yumi ken kamap stretpela manmeri bilong God." 2 Korin. 5v20-21

"Tasol God i laikim tumas olgeta manmeri bilong graun, olsem na em i givim dispela wanpela Pikinini long ol. Em i mekim olsem bilong olgeta manmeri i bilip long em ol i no ken lus. Nogat. Bai ol i kisim laip i stap gut oltaim, oltaim." Jon 3v16

"Tasol man i bilip long Pikinini, em i gat laip i stap gut oltaim, oltaim. Man i no bihainim tok bilong Pikinini, em bai i no inap kisim laip. Nogat. Belhat bilong God i stap long em." Jon 3v36